

**JU ZAVOD ZA HITNU
MEDICINSKU POMOĆ
KANTONA SARAJEVO
Broj: 01-3641-3 /17
Datum: 07.09.2017.godine**

Na osnovu člana 69. stav 3., člana 70. st. 1, 4. i 6. Zakona o javnim nabavkama („Sl. glasnik BiH“, broj 39/14), na preporuku Komisije za javnu nabavku broj: **3641-2 od 05.09. 2017.** godine, članova 30. i 39. Statuta JU Zavod za hitnu medicinsku pomoć Kantona Sarajevo (“Službene novine Kantona Sarajevo BiH”, br. 45/13 i 47/13), u postupku javne nabavke **Sanitetskog materijala LOT 1 –Flasteri**, direktor Zavoda je donio

ODLUKU o prestanku postupka javne nabavke

Član 1.

Postupak javne nabavke **Sanitetskog materijala LOT 1 -Flasteri**, se okončava iz razloga što su cijene, ponuđača Ena doo Sarajevo i ponuđača Globex doo Zenica, identične za ponuđeni proizvod **LOT 1 -Flasteri**.

Član 2.

Za izvršenje ove odluke zadužuje se i ovlašćuje Služba pravno-kadrovskih poslova Zavoda.

Član 3.

Ova odluka objavit će se na web-stranici www.hitnasa.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-2804-1 od 07.07.2017. godine.

Javna nabavka je sprovedena otvorenim postupkom.

Procijenjena vrijednost javne nabavke bez PDV-a je 2.272,65 KM.

Obavještenje o nabavci broj: 39-1-1-83-3-36/17 je objavljeno dana 31.07.2017. godine na Portalu javnih nabavki.

Komisija za javnu nabavku imenovana je Odlukom broj: **01-2804-2 od 10.08.2017.godine**.

Komisija za javnu nabavku dostavila je dana 22.08.2017. godine izvještaj o radu broj: 3641 od 22.08.2017. godine i preporuku o prestanku postupka javne nabavke broj: **3641-2 /17 od 05.09.2017.godine**, u postupku javne nabavke **Sanitetskog materijala, LOT 1 –Flasteri**.

U postupku po Izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu kvalifikovanosti ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4;
- da su blagovremeno zaprimljene 4 ponude;
- da su neblagovremeno zaprimljene 0 ponuda;

Naime, nakon uvida u ponudu ponuđača Ena doo Sarajevo i ponuđača Globex doo Zenica Komisija je utvrdila da su ponuđene cijene iste odnosno identične za ponuđeni proizvod **LOT 1 - Flasteri**.

S tim uvezi Komisija je odlučila da u skladu sa članom 69. stav (3) Zakona o javnim nabavkama („Službene novine BiH“, broj 39/14) poništi postupak javne nabavke **LOT 1 - Flasteri**.

Nadalje, u postupku ocjene provedenog postupka, direktor Zavoda nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da su se stekli zakonski uslovi za prestanak postupka javne nabavke.


Iz navedenih razloga, primjenom člana 69. stav 3. Zakona o javnim nabavkama, te članova 30. i 39. Statuta JU Zavod za hitnu medicinsku pomoć Kantona Sarajevo („Službene novine Kantona Sarajevo BiH“, br. 45/13 i 47/13), odlučeno je kao u članu 1. ove odluke.

POUKA O PRAVNOM LIJEKU Protiv ove odluke može se izjaviti žalba najkasnije u roku od 10 (deset) dana od dana prijema ove odluke.

M. P.

Po ovlaštenju direktora JU ZHMP KS

Prim. dr. Amela Komilija



Dostaviti:

- Ponuđačima
- a/a